

Zitiddina

Corri lu tempu di la zitiddina
Com'è l'acqua linda di la vadina
Senza pinseri è primura manc'una
Corri, ziteddu, a to libartà

Corrini l'anni è u tempu scappa,
A zitiddina passa in fughjina
Com'è a muvra quassù, spinsirata
Corri, o ziteddu, a to libartà

Com'è lu sonu di lu culombu
Quandu luntanu si senti lu ribombu
Senza primura di lu so mughju
Corri, o ziteddu, a to libartà

Com'è una vela nant'à l'onda
Quand'è u ventu in un soffiu strascina
Senza sapè duv'ella purtarà
Corri, o ziteddu, a to libartà

Quandu in un sognu si addurmenta
Stancu di corra è fiaccu di ghjecà
In un surrisu serenu si sveghja
Corri, o ziteddu, a to libartà.